



抱翠軒集

詩賦

~ 16  
2378  
1



和 10  
2378  
1-2

挹翠軒遺稿

乙卯孟冬

順川增刊

御製題增訂挹翠軒集卷首



詩者樂之餘也於詩可以  
攷樂夫詩思然後積々然  
後流々然後發故温雅以  
廣文興喻以盡象慧竅通

而聲調渾然天成真機返  
而格律犁然心契此詩之  
本也自詩之弊其思也規  
撫前人其發也掇拾陳跡  
竊以浮音切響音韻合乎

排比之間而曰此詩也此  
而為詩千古亦今也百粵  
亦燕也又惡知緣飾之終  
假而性情之不在是乎挹  
翠善於詩有國風之遺響

為東方絕學之倡而予特  
愛挹翠之於詩倘庶乎詩  
之本挹翠軒者故校理朴  
闇之號也大抵後世之名  
能詩者類皆標高揭已自

謂執耳於騷壇獨挹翠之  
為詩即挹翠之詩而已於  
是沉潛聲調咀嚼格律以  
及予之思也之發也則其  
精神之所感召造化之所

融脫勿忘勿助積之而不  
厭無固無滯流之而不息  
如朱絃之疏越大羹之不  
致是果孰使之然哉意者  
作之者亦不知其所以作

乎集本一卷嘗閱弘文舊  
籍見天磨蚕頭錄多有原  
集所不載者悉加采輯釐  
為四卷夫樂之弊也久矣  
林放問禮之本而聖人大

之予於斯卷六云

是集之增訂在予春邸  
時尚留銅龍講筵聞其  
後孫作宰嶺縣用五山  
集印頒之近例命道臣

刊行亦可謂有時存焉

上之十九年乙卯陽月之

望資憲大夫吏曹判書無

同知 經筵成均館事

奎章閣提學 臣沈煥之奉

挹翠軒遺稿

教謹書

挹翠軒遺稿總目

卷一

賦增一

四言一

五言古詩○四增三

卷二

七言古詩六十二

五言絕句五

七言絕句增十六○

卷三

邑翠軒遺稿 卷一

總目



五言律詩○五增一三

七言律詩○五增六二

聯句○二增七

卷四

記一

祭文一

行狀四

附錄

墓誌銘

墓表

序三

挹翠軒遺稿總目終

挹翠軒遺稿目錄

卷一

賦

次李白惜餘春賦增

四言

呈止亭

五言古詩

韓退之詩曰求觀衆丘小必上泰山岑分韻

為詩送李擇之朝燕之行五

送安善之以質正官朝燕

用擇之前寄詩韻以記昨日之事呈士華兼  
示擇之求和教今在閑散庭戶寥落無一事  
相關唯有詩史可娛可能數引吾輩以諷詠  
心懷乎

奉和止亭先生

次韻題中朝鄉貢進士張定庵宗魯和別安  
善之詩後邀士華擇之同賦  
和擇之

金藏窟途中用擇之韻

宿金藏窟增

靈通寺記興

知足庵

曉起性海窟追記昨日之事增

登普賢峯用擇之韻

哲師欲還作詩寄雄首座增

辛亥自可興移舟

舟過黎浦風雨暴至急棹過惡灘泊舟

癸丑移舟首二

雨止風勢猶怒不可解纜泊豆彌

甲寅解纜

霖雨十日門無來客悄悄有感於懷取舊雨  
來今雨不來為韻投擇之乞和示七  
七月既望與士華擇之泛舟蠶頭下占語韻  
各賦

前年六月廿一日夜擇之與僕同直玉堂有  
聯句數篇今年七月同遊蠶頭還以聯句蒙  
為寄兼長句還和其韻

藏魚寺橋上中秋翫月用擇之韻

十月之望與擇之復遊蠶頭下占霽韻各賦  
二十五日風雪甚惡閉戶獨卧山陰之興不

可禦也而無騎難以自致又未有酒醪可以  
自慰間承擇之遺詩相要亦末如之何悒悒  
不樂家人忽謀酒來日已昏矣挑燈獨酌瓶  
空乃已醉中為詩用記一時契濶之語非君  
不堪相示也

正月十九日與擇之飲止亭明日為詩戲贈  
止亭兼奉容齋

昨飲萬里瀨劇談古今事扶醉而還夜半酒  
醒懷抱耿耿吟成古體詩七首呼燈書之明  
日投容齋以答前日七篇之惠

二十七日泛興陽浦晚登亭縱飲首

二十九日出獵

九月生明之夜與誠之飲翠軒忽披容齋稿  
見第三詩有欲廢詩酒之語感而作詩因並  
和其三詩囑誠之把筆書之時誠之失解  
秋來與擇之相見益不數尚能與村巷故人  
為菊花飲泥醉旬日甚可樂也夜中醉卧頗  
憶容齋學士感歎之間吟發成韻取燈書之

卷二

七言古詩

頃擇之惠我燕墨士華又惠官楮寒家一朝  
遽聚二寶為幸難喻聊述長句致謝意於二  
君而又從士華求臨池退毫不已黷乎  
次韻呈士華詞伯兼示李擇之  
次士華韻題李浩叔遊伽耶山錄後  
與止亭夜赴容齋宿明日得詩一篇奉簡二  
君求和教  
同擇之遊士華北園  
東江書示擇之  
宿觀音窟

夜宿神勒寺乘月飲甃塔下

宿葛山

癸丑移舟

舟次豆彌遇疾風暴雨舟不能進首二

廣津渡風雨甚惡力棹泊三田渡晚來波濤

稍安乘月下楮子島宿狎鷗亭下曉到漢江

下片

同遊李永元得近律一篇有今日蠶頭飲當

年赤壁遊之句各占韻首

題蠶頭錄後

七月廿五風雨甚惡擇之折簡報云吾家釀

熟可來一醉否僕促駕赴之善之亦來劇飲

至夜乃罷明日寄此詩

容齋先生止酒養明對菊不敢舉盃感歎有

寄依韻和答

五言絕句

萬里瀨首二

昨日余從寓庵飲夜淡乃還擇之已先待于

翠軒余醉甚不能對話擇之獨徘徊於黃花

青竹之間留詩掛花枝曉鼓乃去明宵余酒

醒菊間得詩寂寂發孤笑因次韻投擇之謝  
余之慢首

七言絕句

送擇之朝燕首

擇之前以唐牋遺我曰得詩一一見寄僕趨  
衙甚忙顧安有所得今朝偶成二絕錄奉求  
教

士華前枉翠軒讀屈平賈生傳觀可度之畫  
仁叟之詩數日絕無一句來起我雖云吏曹  
文墨亂其心清晨寂夜顧無興乎是似太俗

也朝奉清話乘雨而還偶得小詩奉呈但人  
不先我我輒冒之無亦過乎

洛河渡頭嶺上

記語增首

遊遮日巖增首

題壁增

夜飲性海窟前嶺枕占韻各賦增

庚戌自金灘放舟宿可興倉下首

約擇之同扣萬里瀨先簡一絕

容齋先生身雖繫於簪笏神未嘗不遊湖海

之外夢之所發固有自也賤生十年塵土劇  
 被憂患所困寸心灰死久矣豈復有一興夢  
 中之人恐非我也聊依原韻奉敘鄙懷首二  
 今日竟夕獨卧姆憐之寬酒以饋對之不勝  
 悲感輒書一絕以洩懷想擇之知我此時之  
 情故書以相示  
 以烏几遺容齋  
 連夜失良月可恨可恨輕雲不雨清吹滿林  
 可對卧一話君不能來我雖欲進無騎奈何  
 送鞍馬則可進閣白擇之

次虛庵書贈韻增

卷三

五言律詩

舟中望神勒寺

癸丑移舟

山人行熙自神勒寺同載到廣津上下舟向  
檣巖臨別求詩書以與之

投容齋首二

六月十八夜與擇之善之宿興天寺擇之入  
夜乃赴蓋以官事自漢江來也首三



七月四日夜與善之飲擇之家明朝遺以一詩

依靈通舊令韻

雨中感懷有作投擇之兼簡善之容齋酒熟曾有對床之約風雨可相負乎詩用夜飲韻

二首

題翫月錄後

雨中有懷擇之

翠軒夜飲明日擇之惠詩和奉

送李希剛以評事赴咸鏡北幕

頃宵不眠聞雪沉吟得之朝欲錄奉為人事  
所困不自省記今曉酒醒恍然在懷伸紙一  
揮馳奉擇之學士

既無馬又無酒有興不乘祗深閉耳擇之能  
成我興耶蠶頭雖未尋欲一踏漢水也

萬里瀨首

對月有感寄擇之盍來同一觴乎

獨坐益使懷惡速來同此一觴雖無俸一觴  
可供

昨訪直卿還敘懷一律

曉望

曉坐

以雙竹盆寄容齋

寄山人惠枕

雨中被酒懷發為詞聊復書呈擇之

與君阻已數日百年事已可知也益無一懷

須見叔達道我意幸甚僕曾與相見煩未能

出口吾計益踈奈何奈何閻白擇之

夜來無一寐自念百年事懷抱耿耿又料君

進退實難想同余不眠取酒一酌醺然因記

舊韻輒成短律遲明投擇之足下

夜來被酒獨卧風雨中思轉無聊補外之計

尤耿耿往來於懷所謂發於夢寐者寧非然

耶近日與君不見殊久世事益可笑也燈下

醉書閻白擇之

讀詩未能下懷世間茲計從來難遂况天不

曾饒吾輩耶僕憂患之後所慮益萬萬尤不

願留近須見叔達謀我堤川事世多以吾為

累人恐不能遂祇觸其厭欲觀叔達意使士

華圖之也滿在近日故云閻白擇之

夜還被酒家僮進短簡乃擇之詩也伸紙一  
讀取筆書數句戒家僮待明報之

九日簡擇之

宿三田渡

僕世故多不快意雖有秋花未能解余懷對  
之祇益自悲酒亦不可飲也故此奉投病眼  
尚一明如君之亦覆觴何此花可謂厄耳聞  
白容齋先生

容齋對菊與擇之同賦首三

擇之辭病之計已得遂否聊以短詩相問

直卿尚抱舊病擇之養眼不出文酒之會日

益寥落今朝對雪憂感忽至聊題五字一伸

鄙懷奉贈二君

夜坐感懷和容齋學士立春見寄首二

奉和擇之學士人日見寄

聞誠之得第甲子閏月廿七日雨中仲說被

酒書于東萊謫舍首三

贈止亭增

七言律詩

將赴容齋夜話先簡一詩冀轉示止亭寓庵

昨日之事十年來不可復再欲為一詩以就  
後觀而昨夜醉甚曉又餘醒以動高興  
病眼次友人韻簡擇之求和

再和擇之

次擇之韻首三

直卿將返嶺南舊居詩以寄之用擇之韻首二

遊鳳凰巖首二

松京途中增

遊樾巖

福靈寺

朗月寺盤松增

次靈通壁上韻增

大興洞途中用擇之韻

壬子自神勒寺下棹舟登清心樓次牧隱韻  
此行風景甚奇恨不與故人同樂悄悄獨坐  
情益無聊因思擇之遊靈通詩惜無吾輩與  
同醉之句有懷其人作詩寓意云

舟中對月

戲擇之

悼淳夫

依靈通舊令首二

十月四日與擇之約攜酒扣仁老擇之忽以病報不果獨坐有感於心終南故人偶以菊  
花見寄對之自慰妻輒呼小鐵鑪煮酒且酌  
且勸飲之不計巡醺然醉夜已再鼓矣取紙  
筆書數句為詩待明寄擇之發病中一笑醉  
中書頗有所謂沓拖風氣末句聊以戲之耳

呼韻增三首

李永元將返湖南以畫四幅求詠與擇之同  
賦首四

贈直卿

亂簡中偶見翠軒餞李永元聯句一篇讀之  
淡起感焉吾輩近日過從太踈豈此子不在  
故歟索酒高吟用原韻

爾來絕不作文字案上有擇之詩時時諷誦  
之餘有感於心和成三首

重和首二

夜卧誦曾來鳴字韻詩有感因和之聊復書  
以寄

和擇之

翠軒春睡之餘浩浩乎有興披詠前詩尤不能自禁明日之約可能諧否聊用原韻呈容齋發興

營後亭子首五

僕一二年來頭有白毛始生之髮屢見素莖室婦嘗鑷以視我付之戲笑蓋偶然耳自經憂患種種見之眼昏復甚於曩日嗟乎在世者能幾何久而士華且箴以節飲乎風雨襲人獨坐長歎之餘情發為詩吟罷有感於殘生故書以示君君其謂何五月廿有八日閏

再拜擇之先生

訪直卿

夜卧有懷士華承旨

前承惠詩使我懷益鬱鬱久而未敢和也時時披詠情發不能自禁因綴成章奉寄容齋首二

十月十七日夜余過寓庵劇飲聯詩四篇明

日頗省其韻賦此詩追記其事寄寓庵首四

同李永元韻送竹墅主人下南

和擇之

黃嶺寺增

九巒別墅增

聯句

途中聯句增

遊蠶頭首五

十三日首二

十四日首二

十五日首三

夜直聯句增六首○

卷四

記

金仁老名行記

祭文

祭金仁老文

行狀

先祖考奉列大夫行交河縣監朴公府君行

狀

先祖妣令人韓氏行狀

亡室高靈申氏行狀

故嘉善大夫工曹參判安公行狀

附錄

墓誌銘

墓表

序三首

挹翠軒遺稿目錄終



挹翠軒遺稿卷一

賦

次李白惜餘春賦

增○出續  
東文選

昔李白惜餘春將闌作賦頗道其意余以為  
白本放曠之人也而猶咨嗟涕洟歎老惜年  
若迫塞者之為豈可以為達也余故用其韻  
為賦以廣之云

春兮堂堂來既不識其誰使兮去又向之何方曾不  
足以少留兮竊獨悲此羣芳收麗日之妍和兮見綠  
陰之茫茫山野淡其若變兮蜂鳥駭而失行伊余心



之多感兮怨東流之沅湘目千里兮欲極魂上下兮  
悠揚歌瓊詞兮舒懷思糾繚兮難展詞曰汀有蘭兮  
佩結石有蒲兮帶剪臨千尺之幽潭兮恨孰與之淡  
淺若有客兮導余言予苟愁兮何能堪四時固各有  
定序兮比西北與東南春以生兮夏以長秋成冬實  
兮物繽紛成功而迭謝兮若在空之浮雲矧天地亦  
有所終窮兮則何恨夫一時之易改安得挾子而登  
仙兮睹桑田之變海予既聞夫至論兮恍若愈其沉  
疾齊憂喜以泊然兮悟百年之一日悔向時之迷道  
兮同越駕而求秦登東嶽而遐觀兮招廣成之真人

酌九霞之瓊觴兮就東君以為別杳莽莽而無聞兮  
見義車之西滅仍冷風以寄意兮夫孰云言不可結  
忽臨睨夫塵土兮曾夕零而朝華吾將泰初以為隣  
兮與求至乎無涯

四言

呈止亭

我有尺璧遭驪龍睡以暗相投世必按劍誰歟受之  
止亭是歸居士不寶物無累鑒居士用筆如見羲繇  
居士為詩不數賈孟晴窓寂寂白日悠悠牽興如狂  
中酒如病既拂我硯亦試我墨濡我毛君掃我溪楮

盤礴不動昭然相得雲行雨施志逸氣紓莞爾一笑  
歲寒可保牙琴秋暮妙莫敢比我問止亭中有何好  
時養其餘以起挹翠自註歸用去聲

五言古詩

韓退之詩曰求觀衆丘小必上泰山岑分韻為  
詩送李擇之朝燕之行

至人本無求浩與雲俱出高才遇大猷萬事可取必  
遐情思九州刺刺羞一室稽首辭冕旒前驅啓雲日  
其二

煌煌象魏觀縹緲雲漢上文物百年煥圭纁萬國王

朝廷集鷺鸞佩裾聯揖讓見子迭驚歎吾邦重瞻仰

其三

文章忌隨衆務雅去其泰古道日翳霧萬口極譟識  
上國植文棟啣圖聞鳳噦君歸應折衷為世醫昏瘖

其四

不見蚊負山可笑螿為丘力須千句彎與世作棟梲  
已化霧豹彪且學溟鵬遊舊功政循環新見極冥搜

其五

撮土積嶽崑勺水成渺淼巨浸與崇岑本亦累微小  
賤夫力不任學問慚寡謏未揆滄海濶焉識秦華表

送安善之以質正官朝燕

十月政風雪西路愁逶迤善之將適燕揖我顏不怡  
我問胡為愁欲語還長嘻高堂年喜懼二毛颯以垂  
尊公受閫寄迢遞三載期我又客異鄉奈此傷母慈  
更念失乳兒膝下嬌相嬉亦復挽衣裾悲啼不忍離  
王事有大義顧敢言其私黽勉就行役我懷人得知  
我聞亦多感默坐以深思人生在世間出處難自為  
父生而君使理不容毫釐忠孝豈二事所遇皆可移  
養親貴養志口腹斯為卑善之今青年高名誰等夷  
大科固其常抑亦天所資鑿坡聳履聲讜語驚天墀

如聞鳳鳴岐識者迭嗟咨知君父母心亦謂吾有兒  
男兒四方志勿負少壯時上國文明地禮樂俱在茲  
士生願一見無路空超越君今應朝選動為時所推  
丈夫義徇國家累要撥撫安心乃為孝別離那更辭  
况有賢弟兄足視甘旨宜奮袂決行止去矣莫留遲  
采采黃金花泛君金屈卮酒盡誦吾詩聊以當箴規  
用擇之前寄詩韻以記昨日之事呈士華兼示  
擇之求和教今在閑散庭戶寥落無一事相關  
唯有詩史可娛可能數引吾輩以諷詠心懷乎  
君家張雀羅新釀熟春麥招攜李擇之脫我塵事役

出城欲何為善之有遠適遠適指幽燕路以千里隔  
我輩亦嘗試往來飽艱阨故欲酌一杯慰渠不煖席  
緣崖坐分鼎近岫墮寒碧端如逸俗士恐被傍人謫  
還將樵牧混守玄那更白善之久未過微溫生座石  
一笑驚挹袂雲日迫昏夕舉酒輒牽挽醉語動豪劇  
惓惓遽言別瞥爾如電隙歸來迭嗟惋三人齊履屐  
都門晚駢闐車馬交轍跡分歧各異適步步目相逆  
默思宇宙間忽忽皆寓客少年喜交游中歲轉淡癖  
自得數君子充然寶拱壁相逢復何事倡仲而和伯  
此味漸尤佳更念年數窄寒盟在不渝視彼庭前柏

奉和止亭先生

烹鮮在勿擾泥水待安靜治瘡要一快茲術非久永  
人皆曰予知胡為自投弃漢法歌載清虞刑宥其眚  
有抱向誰陳泯默但自靖故人詩書學亦以寬濟猛  
一行作吏事文字強修整進退隨尺寸跼蹐志未逞  
常懷民無辜中夜眠屢警耿耿且如何有手未當柄  
要令數斗渾得容千尺井萬事豈易了自保斯為幸  
况復二三士趣造頗同境相逢足解頤議論俱秀穎  
會合戒遲緩時節只俄頃如今便可耳莫待黃鸝請  
晝日縱未卜燈燭尚可秉遙知簿案間此語當笑領

抱琴車道希  
更念南山暮懷人時引頸

次韻題中朝鄉貢進士張定庵宗魯和別安善之詩後邀士華擇之同賦宗魯

古人貴尚友此道久已廢委靡日趣下天何為憤憤  
况此海一隅浪默抱心肺欲求天下士歲月屢遷代  
往年歷燕薊長者側餘效京師首善地其人靡不在  
鬱鬱風塵中誰肯顧吾輩還家只垂索腸肚若結纒  
今年安善之禹界窺外內是公我心親石交頗相耐  
歸來造其廬議論劇注漑自言得益友張君有古態  
班行偶相揖一笑接纓佩目擊道固存逸氣謝塵碎

論心久愈信瑞世驚貝玳詩酒輒來往孟盤供鮭菜  
學問見新功稂莠資手刈邂逅四海交照膽兩無碍  
送行五字句古人端與配金玉以為相可貴亦堪愛  
焚香靜時讀如與定庵對高名安可攀三舍我當退  
吾聞有道士自然秀羣穢光華雖欲晦粹盎見眉黛  
一見令人驚茲事曠前載沐芳勤三熏採蘭紉為佩  
立身皎如此百年寡尤悔

和擇之

見事常恨晚取友常患早我生二十四細大乖素抱  
常恐寤寐頃逝者及耆老平生知心人散落塵埃道

投壘車道希  
近日已堪驚門巷了如掃今古謾悠悠得喪何草草  
山林著賢俊錦繡被輿皂可憐強毅魂幾作澤畔槁  
變化乃糾纏我欲問穹昊天地不能久人壽那更保  
夸毗一日炎驟雨與行潦匹士安可輕短褐秀竒寶  
千秋當不朽金紫本非好詩來極悲慨使我得心惱  
黃鸝如助歎三唵過簷椽

金藏窟途中用擇之韻

風塵十年約此事未可輕杖藜纔入山便覺襟懷清  
日落滄海遠雲歸松嶽平得句掃巖石欲鏡吾輩名  
山靈儻有識頗驚今日行荒村傍林薄野花孤樹明

黃鳥忽飛過求友更嚶嚶

宿金藏窟增

曉過滿月臺宿雲釀陰雨踏青未赴約坐使佳期誤  
十年勞夢想欲往迫塵務咫尺又見阻我亦不知故  
吾生甚薄相與物自多忤天公本戲劇倘亦神靈妬  
人厄又天窮棄置莫更數步竝松嶽麓從此理芒屨  
福靈新羅寺古木產虵蠹風雷時一掀洞壑助威怒  
像說自月支香火幾朝暮福地斯最勝山靈解呵護  
蒼蒼朗月前鬱鬱蛟龍驚植杖借餘陰巾袂濕寒露  
野老寧記年閱世鳥飛度留詩謝主僧莊語神豈吐

括翠車遺和  
小酌乘一醉落日試餘步凭高瞰滄溟極目翳飛霧  
前尋金藏窟更踏村邊路禪坊得坐憇清境引幽趣  
吾徒本三人物外偶相聚觀其適意處鵬鷃何足喻  
功名只一餉汝輩可分付唯有山水願無藥堪醫痼  
夜來不成寐燈下次新句

靈通寺記興

天磨國西雄五冠與之陪山前得淨土洞壑自環回  
伊昔全盛時梵宮金碧開結構最勝麗烟雨隱樓臺  
輪蹄逐奔波時見鑿輿來至今馳道基傾側空山隈  
萬事迭成壞百年足悲哀齋寮半摧落壯觀已塵埃

唯有朽老材白日吼風雷斷碑字欲漫剝落愁莓苔  
高人不可問古柏應手栽土橋復何處翁鬱空草萊  
居僧語恍惚舊跡信難該清溪堪濯纓湍瀑晴喧硃  
巖崖自成白往往若尊壘千秋漫郎魂儻亦此徘徊  
何能挽長流與化葡萄醅酬君三百籌一洗胸崔嵬

知足庵

高人開寶坊半空得山勢西南當極目天海欲無際  
滄溟氣瀕洞白日多陰曠遠既不可窮近亦迷浦溼  
羣山如螳丘往往辨鬢髻清涼與普賢突兀若擁衛  
寺後千丈壁輕風動蘿荔其下清泠源蛟螭迹應滯

指翠車遺和  
千年銀杏樹道傍出根柢大材本漢落百計可蔭翳  
我來自靈通山中一攀桂登臨聊盪胸興逸故難制  
摩挲風雨壁古人留妙偈自足償清境真堪名萬世  
可憐千金寶塵埃久蒙蔽拂拭讀一快往事入凝睇  
江山但如此今古幾興替老僧寧識我捉臂謾睥睨

曉起性海窟追記昨日之事增

漸覺入山幽頗喜脫塵縛三生泉石魂今日乃無怍  
邂逅多勝事向來自不約時時會心處一盃更商略  
昨夜初月明中途得新樂臨危試一吟洞壑響唯諾  
蓬萊可飛過靡隔一水弱因思十年事拙甚謾誤著

只今發夢寐往往堪錯愕醉扶失歸路犖确度山脚  
怪鳥遺哀音迥若出寥廓生涯但一足莫要揚州鶴

登普賢峯用擇之韻

天磨唯普賢獨立欲無對萬古出鴻濛天地亦一塊  
數日在山腰仰視但眉黛今朝入~~是~~冰雪生五內  
西南皆大海霧靄自千態變化有鷗鵬摩盪垂天背  
坤維本積厚造物豈見貸至今無完膚處處遭破碎  
細大只戲劇何異小兒輩茲山杳不言今古謾遷代  
竒遊天與幸偶一不可再平生萬里心一瀉無滯碍  
盃尊付淋漓文字更藻績



哲師欲還作詩寄雄首座增

迢迢知足庵乃是前朝寺傳載苦未詳歲月迷所自  
千尋舊石砌風雨半傾躡百年墮蕪没人境不相值  
吾師叢林秀少無塵俗意博施斯宿願好奇又少比  
登臨天磨峯福地愁廢棄摩挲井邊魚三歎為灑淚  
名勝宛如昨寧與草木悴俄頃湧金碧色動伊庵記  
牛頭更崔崔象眼還泌泌我來許青眼一笑竟不忌  
宴坐清淨室欲問光明地賤生本鄙野懶散得天賜  
固窮今識味寒蒞適大哉山水謾成癖詩酒應作祟  
師言生死場不足一鼾睡夢中有憂樂覺來誰喜悲

擊節謝吾師斯言實厚饋道大可彌天細不容半字  
相對更莫論餘事付一醉莽莽鳥飛外萬里供清視  
江風勢益駛林霧晴自媚地缺欲何極天低若將墜  
浮雲故自在古木真直遂攬物富新興吊古發長喟  
平生功名念輕不啻弊屣安得從師去永脫聲色累  
別後但茫然彼此俱夢寐唯有兜率境海白山自翠  
清涼普賢兩對如牛角故謂之牛頭山壁下井謂之象眼穴也雄云

辛亥自可興移舟

急灘舟苦疾回灣舟苦遲舟行意不厭徐疾兩俱奇  
白沙沿浦直醜石臨岸欹  
巖處安安帖此功謝篙師

西北有雲山曉望纔半眉今見真面目亂影千丈垂  
日華漾波鱗着地如文龜笑彼鼈迎棹長年可能期  
平生喜臨水倚身弄清漪游鯈戢戢聚羣避若驚疑  
愧我機心在縮首默有思

自註鼈迎棹則長生江村語也

舟過黎浦風雨暴至急棹過惡灘泊舟

波濤忽變化雲霧相陵遲乃知風雨來氣像饒怪奇  
風勢西北駛雨脚東南欹天公號令嚴顛倒伯與師  
馮夷亦鼓舞蛟鱓露須眉直下萬仞湍但見舟尾垂  
利涉倚長年誰復鑽靈龜頃得一快已足愜心期  
前灣如鏡靜繫纜翫清漪便作魚蝦侶海鷗更不疑

憂樂卒然境兀坐以淡思

癸丑移舟

山疑雨餘態江湧風前浪遠樹自短短宿羽迷兩兩  
地接楊根郡舟移月溪上雲陰欲解駁東眺日光盪

其二

大灘古稱惡未到已驚懾頃刻如不戒性命輕一葉  
叢祠疑有神紙錢風獵獵舟人薦蔬糲稽首祈利涉  
雨止風勢猶怒不可解纜泊豆彌

風吹土囊口浪駕青山趾無奈鯨噴沫有似鵬北徙  
舟行失故道兩岸多觸抵遭迴莫敢前往來尋丈裏

搖搖上江船疾若開千矢已專順風勢我愁渠獨喜  
不使兩俱得天意本如此落日迫海門下纜近漁市  
篙師傲驚濤鼾睡肩相倚畜眼未曾見我覺魂魄褫  
坐兀枯木形默禱望神理時於堆波頭踴躍出長鯉  
鳥飛不能高却碍檣烏跂閃閃踈蓬底清影落枕几  
乃知月輪高開戶更瞪視江空渺萬頃天廓失纖滓  
舟人競報我怒勢差欲止明朝可解纜一下千百里

甲寅解纜

五更風始休黎明舟復行山與帆先後天兼波晦明  
小市魚氣腥孤村猿吠獍昨愁鯨濤怒今喜雲日晴

直過馬灘嶽俯鑒明河清禿浦無百步廣津一葦橫  
庚庚白雲臺揖我若相迎數朝厭浮泛魂夢頗屢驚  
誰知生死寔本是一大瀛

霖雨十日門無來客悄悄有感於懷取舊雨來  
今雨不來為韻投擇之乞和示

杜子老羈旅糊口彌宇宙平生飢寒迫未見溝壑救  
窮秋長安城霖雨愁屋漏公侯門雜沓車馬所輻輳  
故人尚不來信覺吾居陋踽踽子魏子是我十年舊  
不憚窮巷泥載酒或相就庶可解幽憂餘子安足詬

其二

德公謝劉表釋耕去不顧以安遺子孫貽厥有餘裕  
子雲空自苦坐草太玄數董傳未肯附美新胡為賦  
不遇則龍蛇或被泥塗汙焉能如鴻鵠高飛無敢慕  
事固有不然聖賢非一趣出處要自重萬古涕如雨

其三

丈夫一發憤金石亦可摧當時魯連子東海小如盃  
人生會一死臨死或低徊此心苟能推餘風庶靡頹  
吾徒有餘愧非命豈不哀江流淡莫測四山鬱崔嵬  
欲招平生魂千秋倘歸來是年五月鄭淳夫自流江而死

其四

燈火耿孤枕風雨驚遠林坐想觀音窟半夜擁被吟  
平生對床約細故日侵尋行藏可自保後當不如今

其五

故人何落拓坐受世嘲侮一去非偶爾青紫何足取  
交游有斯人愈欲謝塵土白蓮昔曾約勝遊差可數  
秋風不相放社酒猶及酤遲回自未果懶氣誰當鼓  
長懷萬里客夢罷三更雨欲寄五字句安得南飛羽

時洪直卿解官  
退居嶺南農墅

其六

嗜好與人異眾棄我獨收愛畫如愛詩輒欲忘春秋

抱琴車道和  
翠軒無一物四壁可神遊笑庵湘江姿老氣之和柔  
冰霜摧折餘復見戢戢抽敗荷出蓮房蒲葦亦颼颼  
林生思叢苦中有刷尾鷗可度乃前輩筆力益冥搜  
白雲浩如海青山淡欲浮晨光上危巘了了辨林丘  
孤舟斷崖下更着此翁不

其七

早歲欲止酒中年喜把盃此物有何好端為胸崔嵬  
山妻朝報我小甕潑新醅獨酌不盡興且待吾友來  
七月既望與士華擇之泛舟蠶頭下占語韻各

賦

平生湖海興浩浩誰能禦此日逝莫留未用兩相阻  
士華已宿諾擇之乃吾與歸來巾屨同漁樵混江渚  
是時雨新漲忽若沒羣嶼牽維傍巖崖施篙多齟齬  
老翁荷筠籃撥刺薦魴鱖細鱠侑盃酒夕殮助烹煮  
篙師巧生意搖艇向前去截斷千頃碧已泊白沙渚  
落日水色異長風帆可舉願天解雲霧列星如散炬  
少焉出皎月明可鑒毛緒扣舷順流光一棹無違拒  
登臨蠶頭峯洗盞屬村醕庶酬曾跌宕少解神悽楚  
白鳥忽飛過似欲牋吾語

前年六月廿一日夜擇之與僕同直玉堂有聯

句數篇今年七月同遊蠶頭還以聯句藁為寄  
無長句還和其韻

玉堂昔同官狂言屢驚世嘲評聊任汝莊叟自知惠  
心如虛舟泛身似一毛細拔去安足惜攀援非可逮  
未起秋風思長懷歲寒契詩酒頗追隨湖山得休憩  
時爭漁釣隈誰識天香袂當時行樂處落月度清砌  
共被發新興會心無外係淋漓文字飲慷慨風騷製  
邇來能幾許日月如傳遞遺句未可披百年寧更繼  
恍然真一夢宛若出千歲祇宜付餘笑亦復不能涕  
吾徒有聚散世道自隆替古今盡悠悠此事由天制

吟成感舊篇悵望浮雲逝

藏魚寺橋上中秋翫月用擇之韻

皎皎九霄光滔滔千里遠圓者有時缺逝者不容返  
誰遣水與月今宵媚且婉天公真不俗為余似繾綣  
風生松夜鳴火發魚驚遁擁被倚石缸開尊潑渾沌  
我生愛清境輒似飢得飯從君十年遊一事不見損  
君詩如源泉浩浩自有本孟行催拙句不及借推挽  
醉語那更刪祇以寫深懇

鄭淳夫喜濁酒名曰渾沌酒

十月之望與擇之復遊蠶頭下占霽韻各賦

輕陰作晚雨斷霞成曉霽蕭蕭楊柳陰淡息波勢

舟人如待我短蓬在巖溼舊遊曾幾何未覺日月逝  
當時掛帆處仰視但決皆故人來苦逢落景不可掣  
是日士華有羣鳧相近似有平生契興奇作字大  
談久傳孟細飄飄下水帆一瞥杳無帶嗟我不比渠  
局促過半世今年無小恨好事靡不濟或陰而或晴  
勝絕俱一例緬懷赤壁仙宇宙了睥睨豪氣之所洩  
二賦自凌厲醉去更高吟皎月掃蒙翳

二十五日風雪甚惡閉戶獨卧山陰之興不可  
禦也而無騎難以自致又未有酒醪可以自慰  
間承擇之遺詩相要亦末如之何悒悒不樂家

人忽謀酒來日已昏矣挑燈獨酌瓶空乃已醉  
中為詩用記一時契濶之語非君不堪相示也  
欲出既無乘欲飲又無酒雨雪滿南山清風方瀏瀏  
好懷未自勝落景在西牖故人寄新句短卸速相扣  
徒步豈不可曾從遺補後輟書輒向隅咄咄心語口  
婦見怪顏色問子亦何有屬耳戒赤脚忽已致一斗  
籠燈照丈室再拜為我壽爾來窘炊王生理劇可否  
杯尊久闕供愧於子多負村釀殊未佳一醉那易取  
鐺杓尚安用霜皮政堪剖肴核雖云無雪缸發寒韭  
何能馳折簡邀子平生友高談來侑酒解愁如解紐

投壘車道和

但恐昏夜黑門巷煩鷄狗獨酌任傾尊感君意良厚  
我欲謝城郭携君饁南亩禾黍登秋場白濁盈村缶  
後圃摘嘉蔬前溪收弊笥父老洽比隣兒孫羅座右  
歡笑日為樂寧計烏兔走顧君當此時頗能親井臼  
女生亦伺復升堂奉箕箒嗟我苟不然敢承子為偶  
聽此益多感相期到白首伏枕無寸夢苦吟如牛吼  
正月十九日與擇之飲止亭明日為詩戲贈止

亭蕪奉容齋

孰謂王子猷風流端不朽但賞主人竹不飲主人酒  
對竹飲佳酒吾於爾何有京師塵霧中阡隘難舉首

北山水石勝南家占十九興來每獨往索酒先叫吼  
無主不加少有主不加厚取醉輒徑出適意斯不負  
昨過萬里瀨偶逢春雪後老兵共亦可猶幸得吾友  
溪山自青眼禽鳥如相誅舉盃盞好詩未覺日已酉  
松間聞鳴道幽趣忽鹵莽迫則斯可耳寧更踰垣走  
相持還劇飲蒙不辨誰某坐見玉山摧旁人爭拍手  
真率乃如此浮生能耐久幸為報主人更置酒一斗  
自註每與擇之扣萬里瀨呼酒痛飲談笑為樂不知  
更有賓主主人為官事所縻輒不諧故以此詩戲之  
耳

昨飲萬里瀨劇談古今事扶醉而還夜半酒醒



懷抱耿耿吟成古體詩七首呼燈書之明日投

容齋以答前日七篇之惠

用有懷何必到壺頭為韻

造化無停機一竒還一偶功成付萬物天亦不自有  
丈夫小勲業時來聊下手卓哉張子房更與赤松友

其二

世亂托耕稼白頭憂國懷烏猶能擇木自進誠類俳  
管樂亦何人惟尹乃吾儕常悲星夜隕大業忽中乖

其三

獸有齒遇害鳥能言見羅禍福本自取亦無於汝何  
彭澤舊邑宰歲月醉裏過誰知胸中有諸葛不為多

其四

行藏百年事無固亦無必來如浮雲出去若浮雲沒  
用舍故在人本非吾所恤先師道如此陋巷與之匹

其五

卑而不可污高亦不可傲萬卷讀未盡筆力應未到  
千年斯文柄授子以高蹈賤生於古人豈足供灑掃

其六

材未能乘障智不如挈壺脚底有危機直視而徑趨  
祇今那更思冰雪起髮膚百畝苟可辦吾欲從田夫

其七

酒醒三更月夢失五湖舟襟懷忽不樂松韻亦颼颼  
攜燈照四壁古書在床頭讀罷有雋味可以遣百憂

二十七日泛興陽浦晚登亭縱飲

朝來忽有興白鷗如導吾小舟沂輕潮風浪渾無虞  
大海本無窮羣山自相紆愈進境愈異天水倏模糊  
鷗鵬謾顛倒拍拍舞天吳有羞從滿盤有酤亦盈壺  
相逢幸無事不飲非我徒急角競清簫古琴與之俱  
篙師密迴艇共迷南北隅勝事恐佞盡緩棹且踟蹰  
落日更登樓屢舞雜歌呼顛狂遽如許早悔學寒儒  
醉罷吐錦茵歸路須人扶三更始蘇醒細雨鳴枯株

曾懷清耿耿轉覺此身孤行藏未可謀聖哲欲乘桴

其二

我本愛酒人著處醉如泥醉輒遺形骸萬事眼前迷  
宦學京師塵十年困推擠胸襟諒須此若騁千里蹄  
揭來西海隅控引雄山谿羣校欲娛我畫船駕鯨鯢  
微風浪安帖極目明玻瓈放棹未覺遠已出青天倪  
平生不平心對境益淒淒酒尊政堪近山鳥亦勸提  
相逢盡知己渠豈不足攜痛飲各促膝落日忽在西  
憑虛拍手舞泛泛然鳧鷖傍人驚我狂雜沓攀雲梯  
明朝恍如夢一笑那更稽人窠何太隘醉鄉真可棲

二十九日出獵

春草綠未長春樹葉未敷  
轅門日岑寂部伍飽歡娛  
有勇思一試鼓角以前驅  
平原忽迢迢亂山鬱崎嶇  
因高植置網林表看獵徒  
得雉競相誇初不數封狐  
山前有窮雉出没依林隅  
蒼鷹攫身起逸翮與風俱  
盤回惜不擊狙伏未能趨  
一攫足為健令人生壯圖  
適意斯可已禽獸戒盡屠  
巨觥酌無筭洗我詩腸枯  
醉中走馬回豪氣彌九區  
男兒始墮地蓬矢與桑弧  
固將北防狄亦當西戍胡  
何為守窓牖空成淺丈夫  
九月生明之夜與誠之飲  
翠軒忽披容齋稿見

第三詩有欲廢詩酒之語感而作詩因并和其  
三詩囑誠之把筆書之時誠之失解

痛飲夜張燭苦吟曉未已  
平生非二物未知吾所止  
擇之百年友久與論茲事  
奇言真偶爾佳處自能至

其二

坐伴孤燈影卧聽寒蟲音  
更無人相對只有愁來尋  
平生南畝約遽已罷瑟琴  
人命豈能久易竭如牛涔

其三

誠之少年日自無人與羣  
得喪不關人三十歎無君  
大材本濩落兒輩徒紛紜  
明年大庭策要獻仲舒文

秋來與擇之相見益不數尚能與村巷故人為  
菊花飲泥醉旬日甚可樂也夜中醉卧頗憶容  
齋學士感歎之間吟發成韻取燈書之

我少不喜酒謂此乃狂藥每與安誠之爭以酒美惡  
自從去年來稍稍親杯杓今年復太甚不醉不為樂  
醉狂初有悔漸亦無愧忤生涯半憂患萬事空落拓  
未赴寬閑耕聊將麩蘖託涼颼掃瑤空新菊弄金萼  
逸興想登臨晚懷悲搖落雖無會心人未可踈一酌  
相逢即痛飲寧更事表褻連日醉如泥孰謂吾寂寞  
青雲安可思中路或失脚不見塞外遷曩時勢熏灼

寄言玉堂友速來洗塵爵

挹翠軒遺稿卷一

挹翠軒遺稿卷二

七言古詩

頃擇之惠我燕墨士華又惠官楮寒家一朝遽  
聚二寶為幸難喻聊述長句致謝意於二君而  
又從士華求臨池退毫不已黷乎

我持不貪以為寶了無一物掛心膈金珠在前視如  
泥視猶不見况更擲松煤楮膚有何好乃獨令吾手  
未釋此心有欲皆不廉於此戀戀無奈癖人生愚達  
孰無累蠟屐障簾本懸隔百年知己李擇之嗜好相  
同為莫逆經行易水過幽燕遺我一螺玄圓壁拂塵

開硯惜不磨猶想廷珪舊手迹故人復知余所愛官  
紙聯翩來惠百云從選曹除詔餘淨披几案雪勝白  
此物雖為俗眼輕古今好者非俗客二公用意謝甚  
勤顧匪其人亦何益爾來搖落愁南山翠軒日日添  
蕭索寂寞雖非草玄手推敲頗識安排格誰能更借  
一毫兔寫我平生方寸赤

次韻呈士華詞伯兼示李擇之

君才在古亦無偶佳賦人人誦王粲生能富貴死泯  
沒雖有萬鍾吾不換歲晚被劾坐詩慵榮辱紛紛豈  
容惋知心獨許容齋翁醉來倡答成楚亂容齋自是

天上人俗士齷齪那可伴文章高分與生俱勁氣猶  
能金石貫鏘鏤萬象不少暇造物反為子所翫我識  
二豪亦天幸論道如今百歲半相知貴在意氣合縱  
時不逮應恕懦尚恨簪紳各纏拘涉世茫洋迷畔岸  
昨日偶逢南山下袖出新詩共驚歎歸卧翠軒更一  
吟明月寂寂生几案

次士華韻題李浩叔遊伽耶山錄後

融然為海峙為山山自奇秀水結蟠舊聞方丈三韓  
外元氣到此應作團試登伽耶頂上望峯繆海空雲  
自還神仙可尋有靈迹欲將足蹋遍松管歸來袖裡

携山還異事豈不驚俗闌徑扣南華借綺語南子實  
非塵世顏詩成亦一伽耶山筆底綰結千髻髮嗟君  
得詩喜欲狂又辱翠軒墻屏間我本平生飽懶散十  
載為官官亦漫吾鄉高靈置田舍亦在伽耶五國班  
縣去耶山路無百年年欲往計未完覽君遊錄誦南  
句興駕神馬馳烟巒從來異境固淡閱肯許漁舟經  
淺灣歲晚山分或未去儻乘一便南出關當尋浩叔  
經行處足先飛猱超雲端憑虛長嘯盪竒氣杳杳衆  
山登豆看嗟哉好事豈終遂漸使灰木形神頑題詩  
謝君愧未工悵望李杜天上壇

與止亭夜赴容齋宿明日得詩一篇奉簡二君

求和教

吏部郎官古稱劇簿領牽挽如山堆玉堂近日復多  
事累被臺劾來相推人生名字落朝版鬱鬱不識天  
網恢豈有一事能自由踟高踏厚憂禍灾交游屈指  
且幾人日日車轍迷塵埃十日何能一見面咫尺真  
成千里遙昨來休沐占小閒暮對南山愁寂寥故人  
折簡偶見招云與止亭久相要徑趨一笑忘主賓避  
逅鼎坐同清宵相持調謔去禮教短髮不冠紛飄蕭  
那教一語及塵俗往往高談頻到詩曉來鐘鼓催朝

指翠車行希  
衙門外空聞輿馬馳捉衾熟睡更高枕此事顧非人  
間竒百年離合自難料一會忽忽誰復追題詩擬續  
同宿聯為報今時韓退之

同擇之遊士華北園白嶽麓也

主人有峯巒吾家之熏爐主人有澗谷吾家之簷溜  
主人官貴勢熏灼門前車馬多伺候三年一日不窺  
園儻有山靈應受詬客來非異人曾與主人舊過門  
不入亦不忍沿溪返棹計亦謬巖間得少憩景物真  
邂逅湍藏霧斂為我開鶴唳猿啼不驚透主人有金  
玉什襲豈輕授緘滕固鐫守夜半未信溪山移白晝

坐久日向晚白雲生遠岫無心我不如有迹誠自疚

是日君與若攜酒遊士華舍後園士華不之覺也君  
名其巖曰大隱瀨曰萬里乃調戲之也蓋巖未為主  
人兩知所以為大隱而瀨若在萬里  
之遠故云耳題此詩于巖石而還

東江書示擇之

千里為赴鷄黍約終宵更聽風雨聲江山百年偶入  
手得失何物能關情聚散悠悠雲去來生死忽忽燈  
滅明道然會意聊一笑此身不譬金石貞強將此身  
供役役駟馬高蓋取勲名何異木生願為材不悟終  
為禍所嬰我觀梧桐材最良山陽日日斤斧爭朱絃  
金柱已不可有時析為薪樵火中鳴古來枯甲十襲



指翠車遺和  
藏未及曳尾泥中生與君相從總角時東里西隣荷  
衣行不知憂樂長坦坦萬事當前有目盲彫真毀朴  
至今日俛屈人間學曲擎怵我以禍羨我以榮真成  
畏首復畏尾地厚猶畏陷天高猶畏傾從前十年事  
懼身幾墮坑猶如病後思昔痛恍然如夢心自驚近  
者天脫鞵頗哀老子脫朝評子亦官閑來壽母可以  
棲遲卧柴荆昨來各青眼屢約今乃成朝登鳳凰巖  
萬景疲將迎海雲捲日開鏡奩天風撼壑酣歌笙千  
層躑躅山若盡十里波濤帆上征痛飲不復惜巖間  
卧數瓶海鷗相近不知避野老爭席來繞縈從今與

子駕扁舟鵬夷去作歲寒盟我身已脫塵土累臨流  
何用濯冠纓

宿觀音窟

朝登普賢萬仞峯又入大興千古境高林叅天不見  
日古木閱世皆成瘦長溪湛湛清徹底白沙亂石欹  
復整恨我未及重九時不見丹楓紅照影湍流直下  
朴生淵落勢懸空極奔騁淵光灑灑不敢窺魂魄辟  
易先縮頸山僧戒我莫近步自古性命在俄頃為君  
少憇鈿鋤潭唯覺肅肅毛髮冷雷霆白日天欲裂如  
在大江浮舴艋一笑領意豈不奇十年懷抱今始逞

指翠車遺和  
暮投古寺藉團蒲照壁尚憐燈耿耿風雨淒迷來襲  
人半夜無眠但溪省

夜宿神勒寺乘月飲覽塔下自註僧法熙信連  
義照處寬等四人

亭亭神勒寺前塔晚來明月掛上頭枕樓望望故相  
近拱揖如將招我遊追隨野僧忽三四一笑莫逆許  
青眸未覺足力先飛鳥似疑巾屨馭風轉長巖平帖  
可盤脚青楓銀杏高林幽俯視澄潭百尺強清嘯劃  
然驚陽侯僧言六月霖雨時湖沒茲巖塔欲浮只今  
尚見波濤痕壯觀恨不與吾謀吾生自憐誰更憐市

朝一夢困啁啾大車四馬安用渠好山秀水真菟裘  
招提名勝自前朝浮雲白日空悠悠牧翁流落謾陳  
迹月軒寂滅何因求語錄猶傳竺丘書詩句却記清  
心樓千年心賞偶一遂大卧便欲忘去留何人為余  
傍崖广手種桃李萬木稠遲我春風復來過胡琴鐵  
笛橫輕舟烟霞指點出圖畫十里映江雲錦幃桃源  
亦合在人境武陵向來非仙丘坐中應有好事僧儻  
記我言今日不自註當時僧家瓶錫本不住四海飄  
飄唯所投我是浮沉世上人平生寡陋絕朋儔那知  
異境得邂逅無奈天或為幻譎夜半淒淒風露寒斗

抱琴車道稀  
柄欹側西南陬大魚吹浪小魚跳恠鳥哀鳴如有憂  
醉陟雲梯不要扶詩成更作商聲謳

宿葛山

昨夜踏月懶翁塔今朝避雨葛山口西江落景亂金  
箭東嶽怒雲駢蒼狗鷓鴣窺魚立漁磯人語舟行忽  
驚飛霍霍自入烟霧裏我不如君早見幾

癸丑移舟

舟下大灘容一瞥棹入月溪履平地樹齊峽東影凌  
亂鷗沒魚嬉俱得意石戴村居巧粘蠓臯散牛驢香  
行蟻已經危峽荷衆力高倚蓬牕愜清睡

舟次豆彌遇疾風暴雨舟不能進

龍津西赴豆彌灣水鍾北拱三角山疾棹汗漫如入  
峽崩崖合匝欲成關交飛白鳥十分潔蓬起黑雲何  
太頑驟雨飄風忽顛泊落帆下碇覺安閑

其二

寸進尺退豆彌下愁殺昨日今日風我今如此將安  
歸百丈牽挽勞舟童白沙環迴巖石老峽裏繫纜多  
青楓天晶雲散雨聲歇落日暈倒千頃紅掛帆栗浦  
豈不樂正奈波濤高沒空我行真似古人詩蓬窓况  
與胡僧同百年清境忽眼底始覺詩人苦語工生前

掛登車道和  
憂樂本不較身後萬事徒夢夢備經艱嶽益自奮剛  
腸兀硯齊華嵩

廣津渡風雨甚惡力棹泊三田渡晚來波濤稍  
安乘月下楮子島宿狎鷗亭下曉到漢江下岸  
百尺先爭廣津風一霎相催夢村雨我行無日不風  
波今日又如昨日苦巨浪如屋倏如山誰遣長鯨恣  
呼吸未上分寸落尋尺有似魚躍龍門級操舟若神  
黃帽郎獨立汭洄騁千巧亦如壯士挽強弩氣力欲  
盡猶稍稍三田渡口聊繫篷舉眼華山對親故雲霧  
蓬勃東南陸塵沙頽洞牛馬路齋心血面牋天翁寧

不為我借一便末勢蕭蕭暫拗怒散漫微瀾感輕練  
移舟欵欵趁落日互歌軋軋驚水府蒼茫烟樹楮子  
島掩葺漁村豆毛浦長年三老且緩棹瓦盆濁酒要  
勸汝對余一笑言不忤唯有愚民容齟齬依依月色  
墮巾袂湛湛空明鑒毛髮西邊長星太爛熳飛過鷺  
鳥何倉卒狎鷗下纜欲三更鳴艦更侵鷄犬曉黃鸝  
惱人忽數聲短短長長楊柳杪天公向我故多事風  
雨不惡晴亦可已向湖山飽絕勝遮莫平生饒軼軻  
同遊李永元得近律一篇有今日蠶頭飲當年

赤壁遊之句各占韻

揚翠車道和  
滄波擬比酒尊深斷嶺真如斗柄斟醉著蓬窗聊擁  
衾蕭蕭踈雨百年心百年相就儻如今短棹輕舟要  
更尋

其二

淡淡輕暉出雲日飄飄急勢驅帆颿快雨過江一陣  
疾黛螺隨潮千點失擇之放談坐捫蝨士華高吟危  
抱膝

其三

世事從來吾不堪強將百慮憂如惓出絲自繞如春  
蠶不如山高水涵涵與君枕藉取雄酣下視紛紛結

舌瘖

其四

天下奇觀蠶嶺頭百年勝絕蠶嶺遊渺渺烟波湖上  
舟蕭蕭風雨海門秋何處飛來雙白鷗忽復為我回  
青眸

其五

水氣欲雨雲淅淅江風吹鬢寒懔懔縹緲青山俱斂  
衽橫亘赤虹方俯飲被酒聊成曲肱枕海日忽放千  
頃錦

其六

色翠千貴高

卷二

詩

九

昨夜帶月搖兩槳今朝帶雨繫孤航晚潮急漲不可  
當舟高忽在千尺強垂蓬淺斟興自長日暮歸騎未  
遽忙

其七

我酌我酒勸長年汝齊汝權惟邈沿五更鷄犬榮福  
前落日風雨蠶頭邊一年此樂借詩傳只恐他時却  
茫然

其八

欲取功名吾手赤欲對世人吾眼白我本無分豈天  
厄汝自嗤黠汝可惜文章百年謾相迫海山萬里真

吾宅

其九

雨如銀箭散珠璣波如瓮盎驚霹靂篙師斂楫不敢  
擊弱纜故與風相激醉去履蹤散蒼壁落日透雲明  
的皪

其十

試問蠶頭風雨秋何如赤壁月明舟古今俯仰一奇  
遊未可屑屑相疵尤欲酌東坡魂在不更挽長江添  
酒籌

題蠶頭錄後

四海文章蘇子瞻宇宙不能容氣岸乃知名高禍為  
崇摺撫詩句皆入案三年東坡拾瓦礫獨行顧影誰  
我館村婆野嫗笑相語昔日富貴春夢斷先生一介  
不掛懷高卧只以文辭翫時時偶發山水興駕言出  
遊亦無筭赤壁之下七月秋月色既望愈清煥扁舟  
一葉白露橫擬挾飛仙跨汗漫扣舷浩歌和曹公洞  
簫哀怨不成亂匏尊與客累相屬枕藉不知東方缺  
當時江神助豪詞隻字偶與人間散至今飄飄尚凌  
雲我昔寓目更三歎今年幸值閹茂辰勝事古今同  
一貫西湖奇絕蠶嶺頭盍往觀乎嗟我伴吾徒三人

俱一笑從者二客來共粲竭從麻浦理孤棹江水初  
生方渙渙輕波不動風力微已覺好景輸清觀興在  
士華眉宇間座中盤礴頭不冠一斗便掃五百字字  
字龍蛇不可絆是日士華書蘇子瞻赤壁賦知音千載知有人天  
上蘇仙應自惋黃昏放舟擊流光西望滄波無界畔  
篙師止棹報余言若過蠶頭波更悍漁村繫纜倚商  
舶唯聞鼾睡聲如鍛天公似亦惜明月故遣微雲綴  
清漢楊柳茫茫旄纛立燈火點點星斗燦快雨西來  
忽一聲大魚劈浪皆奔竄是時擁褐促傳觴喜君秀  
句驚發彈靈通舊令今復徵令嚴才窘我欲追舉觴

問月喚蘇仙浩浩憑虛生羽翰東方欲曉水氣漲正  
如混沌初未判鳴榔又侵烟霧去草遠沙長亂鵝鶴  
楊花渡邊終日雨篷底清詩富璀璨歸來十日閉門  
卧回頭舊遊堪扼腕英雄袞袞天地老蘇仙死後歲  
幾換古來人事每如此吾徒各已百年半莫將此樂  
墮空虛有興携酒更相喚

七月廿五風雨甚急擇之折簡報云吾家釀熟  
可來一醉否僕促駕赴之善之亦來劇飲至夜  
乃罷明日寄此詩

容齋書寂鬧風雨雨聲便和糟床注獨卧聞香不敢

酌一歡尚憶平生故詩來招我可憐人興到不厭泥  
水路披簑徑扣雀羅門又喜興寧會斯趣天生此物  
豈無用似是為吾談笑具初筵我亦頗羞蒞舉盃未  
免煩屢訴醉後推擠且不去觴遲往往遭嗔怒我本  
顛狂乃如此君輩風流足分付要須吸盡瓮中綠瓮  
中雖盡有村酤近村能續酒尊空更好憑君誦佳句  
夜靜時聞隔簾彈四座相驚迭回顧雨自蕭蕭琴自  
遲主人愛客興無斁飲罷殘更忽三鼓歸途肯惜衣  
沾露明朝遣詩謝厚意猶願過從莫辭屢自註近村  
能續酒尊

空乃擇之詩句頃與  
僕飲萬里瀨有此句



容齋先生止酒養明對菊不敢舉盃感歎有寄  
依韻和答

窮子患眼已三年中間且與憂患併君今收視獨關  
門詎可同心又同病視物不省亦未害宵中自有明  
如鏡更莫見書道之餘塵編蠹簡甘長屏天公聊欲  
戲吾輩此事從來豈關命清晨衰露步東籬籬外黃  
花粲相映叫酒連傾三兩觥少年狂氣猶豪橫人言  
茲是喪明具日醉昏昏亦非正椎碎盃尊莫自親善  
而養之有餘慶秋花行復就殘謝未見一枝鮮且靚  
我生明日即云老更有一衰能再盛強為微病便戒

酒亦如畏謗廢詩詠死生共是百年間戚戚安能抱  
憂恹徑湏相對開大尊然後此論乃可竟  
五言絕句

萬里瀨

雪添春澗水鳥趁暮山雲清境渾醒醉新詩更憶君  
其二

鵝飛右軍宅草滿惠連池有客來空立無人和此詩  
昨日余從寓庵飲夜深乃還擇之已先待于翠  
軒余醉甚不能對話擇之獨徘徊於黃花青竹  
之間留詩掛花枝曉鼓乃去明宵余酒醒菊間

得詩寂寂發孤笑因次韻投擇之謝余之慢

今宵聊得醒清月滿空軒何以逢之子曾懷更細論

其二

菊花渾被月清絕自無邪終夜不能寐解添詩課多

其三

心從醒後皎愁對此君無今夜知清味還須戒酒徒

七言絕句

送擇之朝燕

寂寞龍灣舊翰林只今漁牧與相參星霜一卧看三

變送故迎新已不堪時鄭淳夫  
謫義州

其二

浮碧樓前簇茜裙統軍亭下蔚胡雲去年詩酒曾牽

挽今日風流付與君自註因君之行頗  
憶舊遊不能無情

擇之前以唐牋遺我曰得詩一一見寄僕趨衙

甚忙顧安有所得今朝偶成二絕錄奉求教

經行萬里弊裘茸踈宕平生雲夢曾還卧容齋恍如

夢半窓紅日出前峯

其二

葉盡園林掛老槎吾軒從此得山多悄無車馬紛紛

過還有詩功日日加

士華前枉翠軒讀屈平賈生傳觀可度之畫仁  
叟之詩數日絕無一句來起我雖云吏曹文墨  
亂其心清晨寂夜顧無興乎是似太俗也朝奉  
清話乘雨而還偶得小詩奉呈但人不先我我  
輒冒之無亦過乎

此心無處與深論知我濠梁獨有君談罷歸來乘小  
雨翠軒牢落一鑪熏

洛河渡頭嶺上

濼濼長江落日邊飄飄客袖晚風前山如螳埳麗平  
地帆作鴈行來遠天

記語增

勸農長下十行書禮士頻催駟馬車制作百年宵旰  
外梯航千里笑談餘

其二

御羹分賜瀛洲士宸翰能開瘴地靈天與百年無禮  
樂小臣欲叩白雲扃

其三

風塵蓬勃漁陽塞旗鼓侵尋函谷關制勝自歸神筭  
遠折衝應有虎臣桓

其四

招翠車遺和  
鍾室終湏一力士淮陰本是萬夫才欲知夜半天心  
喜袖裏珊瑚分酒盃

其五

躬藉三推供祖廟大酺終日在儒宮八珍屢徹祈時  
雨清燕惟歌解愠風

其六

七十老翁雙白鬢眼看時事佚勞中前朝功德猶能  
說只在憂勤患困窮

遊遮日巖增

誰教出處偶同時天與溪山此崛竒故國興亡還要

酒百年風雨可無詩

其二

登山臨水少年時歲晚提携更識竒不分野僧從我  
醉等閑啼鳥和君詩

其三

已過重三唯一日却教茲會更添竒風流曲水漫千  
古付與佳期唯此詩

其四

十年坐了溪山興一日偶成今古竒世事悠悠付兒  
輩清遊處處屬吾詩

其五

一盛一衰俱一時千山千水自千奇  
溪雲漠漠本無與過客年年空有詩

其六

到頭心事謾違時入手湖山寧好奇  
風雨相乘莫催去杯尊欲罷又題詩

其七

茲遊倘亦得天時不爾更無今日奇  
風雨黃昏催落筆溪山從古要新詩

其八

前朝舊迹靈通寺山勢已無三土橋  
唯有清流似憐客一壺啼鳥解相邀

題壁增

潦倒真成一老夫犁鋤返我十年初  
頭銜莫道玉堂舊要許野僧來挽鬚

夜飲性海窟前嶺枕占韻各賦增

古木千尋上葛蘿春山好事自能多  
一杯取醉便歸去更奈天磨明月何

庚戌自金灘放舟宿可興倉下

是年夏四月自忠州水路還京

指翠車遺和  
月灘險似瞿唐峽狼石高兼濫瀕堆舟人首尾相持  
過風勢愁從西北來

其二

龍淵清亦未見底極目漫漫菱鑑寒舟回不進若相  
挽落日已無三兩竿

其三

水赴猪灘若壺口波山高欲沒蓬牕百年仄足渾生  
梗肯為風濤心少降

其四

惡灘更數可興前亂石奔流疾欲顛無上沙工不放

棹如神妙手最周旋

約擇之同扣萬里瀨先簡一絕

興發不能濶閉戶閑騎快馬似船行去時乘雪來乘  
月未覺山陰獨也清

容齋先生身雖繫於簪笏神未嘗不遊湖海之  
外夢之所發固有自也賤生十年塵土劇被憂  
患所困寸心灰死久矣豈復有一興夢中之人  
恐非我也聊依原韻奉敘鄙懷

我今夢豈到湖海君自幽閑非俗羣白日神遊化人  
國歸來清境與相分

其二

夢中詩畫元非幻世外江山思獨依紅蓼無心能喚我白鷗有約肯相揮

今日竟夕獨卧姆憐之覓酒以饋對之不勝悲感輒書一絕以洩懷想擇之知我此時之情故書以相示

平生懷抱祗須酒今日還無婦可謀偶對一盃那忍倒莫言此物為忘憂

以鳥几遺容齋

容齋寥落無長物唯有平生萬卷書獨倚鳥皮對賢

聖晚風晴日鳥聲餘

連夜失良月可恨可恨輕雲不雨清吹滿林可對卧一話君不能來我雖欲進無騎奈何送鞍馬則可進閭白擇之

尊酒漫孤前夜月柴門空返故人書北窓獨掃清風榻黃鳥三聲午寢餘

次虛庵書贈韻

增○出  
虛庵集

故國迢迢隔萬山荒村寂寞客羶寒風霜湖海長年別夜雨尊前一日歡

挹翠軒遺稿

挹翠軒遺稿卷二



